


P
r
e
-
A
d
o
l
e
x
e
n
t
e



Katekese
ba
Oratorio

VII

Tema: Maromak futar lia**Objectivo:**

Pre-dolexente sira konsente, Maromak Futarlí fote husi Sagrada Eskritura

Pre-dolexente sira komprende Maromak Futarlí tenki medita

Pre-dolexente sira hadomi Maromak Futarlí hodi lee iha loron-loron

Prosesu

Orasaun: Hodi Padre, hodi Flho,

Ilustrasi istoria

Feriadu iha Seminariu

Ha'u hahu fo esplikaun iha uma kreda, ho padre paroko nia lisensa no tulun. Ha'u halo esplikaun kona ba Rosariu iha rai Alfiano, iha feriadu fisika nian, kona ba S. Bartolome, apostolu iha Castelnovo d'Asti, bainhira ha'u foin remata tinan uluk filosofía nian, kona ba Maria nia moris iha rai Capriglio. Nia resultadu, ha'u la hatene. Maibe iha fatin hotu, ema basa liman mai ha'u, nune'e ha'u hahu sai vaidosu, to'o loron ida ha'u hatene situaun lo-los. Loron ida, esplikaun kona ba Maria nia moris hotu tiha, ha'u husu ema ida, nebe parese matenek liu, kona ba esplikaun diak ne'e, tan nia koalia diak deit kona ba buat nebe nia rona, no nia hatan: Ita boot nia esplikaun mak kona ba klamar sira iha purgatoriu nebe kasihan teb-tebes, maibe ha'u koalia kona ba Maria nia kmanek sira. Iha Alfiano, ha'u hakarak husu padre paroko nia hanoin. Padre ne'e santu no matenek teb-tebes. Nia naran José Pelato. Ha'u husu nia atu fo hatene sai nia hanoin kona ba ha'u nia esplikaun.

Ita boot nia esplikaun, nia dehan, furak los, iha hun no dikan, hodi usa liafuan diak, ho liafuan sira hosi Biblia; kontinua ba no ita boot sei hetan resultadu diak.

Povu sira komprende ka lae?

Uitoan deit. Se mak komprende mak maluk amlulik sira, ha'u, no ema seluk uitoan liu.

Tan sa sira la komprende buat nebe simples liu?

Ba ita boot, parese lalais deit, maibe ba povu ita boot nia liafuan sira aas liu. Temi história sagrada hodi liu deit, no halo referensia ba Kreda nia história mak sasan sira nebe povu sira la komprende.

kuidadu, badak (hanesan rezumu ida) no reza ba comunidade. Intensaun sira ne'e tenke lee iha ambaun, bele mos iha fatin seluk, diakonu ka solista, leitor bele mos leigu ida.

Povu sarani hamriik, hodi hatoo sira nia espresaun liu husi hatan hamutuk ba orasaun ida-idak be lee ne'e no rahohan ho nonok iha laran.

Wainhira leitor lee orasaun ne'e iha ambaun ha'u rona didiak hafoin ha'u halo mos ha'u nia iha ha'u nia laran, atu amululik hasa'e orasaun ne'e, hasa'e mos ha'u nia intensaun ne'e.

harohan nian?

3. Hodi aiknanoik Jezús hanorin saida kona ba harohan?

4.

Resumo

Iha istoria ita rona kona kona ba Don Bosco nia esperensia, moras todan nian. Nia simu ona Mina Sarani ne'e dehan katak prepara ona ba mate diak nian. Wainhira foinsa'e sira rona nia moras, sira hotu reza ba nia, balun halo promesa rezatersu iha semana no fulan balun tinan tomak. Foinsa'e seluk sunu lilin, balun ba SS sakramentu. No Don Bosco fiar katak sira nia orasaun mak tulun nia hetan fali isin diak nune'e nia dehan "Maromak rona duni! Foinsa'e sira nia orasaun. Loron Sabadu ida, besik kalan, ema hanoin katak kalan neba mak ha'u nia kalan ikus."

Iha Evanjellu fali ita rona, Jezús hanorin harohan. Ne'e mak orasaun Ami Aman. Nia kontinua hanorin hodi konta aiknanoik belun ida ba husu tulun belun seluk, Nia resumo aiknanoik ne'e dehan "belun ne'e la kohi fo karik tamba nia belun, pelu menus nia fo tamba mai tisturba nia". Nia halo konkluzaun ida dehan "husu ba, imi sei simu; buka ba, imi sei hetan; tuku odamatan ba, odamatan sei nakloke ba imi. Basa imi nia Aman iha lalehan sei haraik Espiritu Santu ba sira nebe husu ba Nia?"

Nune'e misa parte orasaun do fieis ne'e, tempu ba sarani atu hasa'e ita nia pedidu sira. Iha fiar nain sira nia orasaun ne'e, mak povu hatan ba Maromak nia lia fuan be sira simu/rona ho fiar tomak ne'e, no hatudu katak nu'udar sarani, hasa'e harohan ba Na'i ba ema hotu nia salvasaun. Furak liu wainhira ema barak mai misa ita halo orasaun dos fieis, nune'e iha ita nia harohan ne'e harohan ba Santa Kreda, ba utorida sivil no militar ba sira ne'ebé terus no susar, ba mundo tomak nia salvasaun.

Ordem oinsa halo orasaun ne'e:

- Ba Santa Kreda nia presiza sira
- Ba autoridade publiku no mundo tomak nia salvasaun
- Sira ne'ebé hetan susar no hasoru problema iha sira nia moris
- Ba comunidade lokal

Se karik selebrasaun ruma partikulár hanesan; kasameno, krima, nsst wainhira hanesan ne'e bele aumenta orasaun espesial ba atu senti besik liu tan.

Orasaun ida ne'e amu selebrante mak diriji husi tuur fatin. Nia hahu ho introdusaun ruma hodi konvida sarani sira atu hasa'e harohan no nia taka ho orasaun. Intensaun sira ne'e tenke faktu/ realidade livre maibe ho

Ne'e duni, ita fo conselho sa ida mai ha'u?

Husik liafuan sira hosi literatura klasika, koalia ho liafuan nebe povu bele compreende to'o bele, ka bele mos ho lia italiana, maibe ida nebe povu sira compreende. Liu fali halo teoria, konta esemplu, tanesan buat ida ho buat seluk nebe sira hatene, no defende lialos ho liafuan simples no pratiku. Hanoin nafatin katak povu compreende utoan deit, no lialos fiar nian seidaok esplika lo-los ba sira.

Conselho aman nian ne'e sai hanesan matadalan ba ha'u iha ha'u nia moris tomak. Ha'u sei rai hela hodi mo'e esplikaSaun sira nebe ha'u la hetan buat seluk liu fali vaidade no buka an. Maromak laran luak husik ha'u hetan lisaun ida ne'e, lisaun nebe lori fuan iha ha'u nia esplikaSaun sira, iha katesismu, bainhira ha'u hanorin no hakerek, nebe hahu tempo neba ha'u dedika ha'u an.

Perguntas

1. Joãozinho halo saida iha nia tempo feriado nian?
2. Amo Paroko dehan saida kona ba ninia esplikaSaun ne'e?
3. Oinsa Joãozinho usa Amo Paroko nia conselho?
4.

Evanjellu Mc 4: 13-20

Jesus fo hatene sai aiknanoik fini nian katak sa

¹³Hafoin Nia dehan ba sira, "Imi la komprende aiknanoik ida ne'e? Oin sa imi bele komprende aiknanoik sira hotu? ¹⁴Fini nebe ema kari mak liafuan. ¹⁵Sira nebe iha dalan iha nebe ema kari fini, rona tiha liafuan, Satanas mai kedas hodi hasai housi sira liafuan nebe foin kari. ¹⁶Nune'e mos, fini sira nebe kari iha fatuk leten mak sira nebe, wainhira sira foin rona liafuan, simu nia ho ksolok; ¹⁷maibe sira nia abut la iha. Sira la tahan. Susar ruma mosu karik, eh terus ruma tamba liafuan mai hasouru karik, sira monu lalais. ¹⁸Hafoin fini sira seluk nebe kari iha aitarak laran, sira ne'e rona tiha liafuan, ¹⁹maibe hanoin mundu ne'e nian no mos babeur housi rikuso no babeur sira seluk hanehan liafuan ne'e. Nune'e nia la fo fuan ida. ²⁰Sira nebe kari iha rai diak, sira rona liafuan hodi simu nia no fo fuan barak; balun dala tolu nulu, balun dala neen nulu eh dala atus ida."

Perguntas

1. Fini be ema kari mak saida?
2. Fini monu iha fatuk leten katak sa?
3. Fini kari iha rai diak mak oinsa?
4. ...

Resumo

Iha istoria ita rona kona ba Don Bosco nia esperensia iha tempo feriado, wainhira nia sei eskola iha seminario. Tempo feriado, nia halo buat barak iha uma, ajuda mama no maun sira iha uma/ toos uvas nian, ajuda maluk sira seluk hodi hanorin doutrina no fo katekese iha Paokia. Don Bosco hakarak atu hatene lolos buat be nia halo ne'e diak ka lae, nune'e nia ba husu Amu Paroko. Buat ne'ebé be Amo Paroko hatoo ba nia ne'e, nia dehan; "Conselho aman nian ne'e sai hanesan matadalan ba ha'u iha ha'u nia moris tomak". Ita fali iha ema barak fo hanoin diak mai ita, iha eskola, iha uma, iha oratorio, ita hanoin hetan liafuan sira hodi halo tuir ka la'e?

Iha Evanjellu fali ita rona kona ba, ema kari fini. Fini ne'e monu iha fatin oi-oin. Fini ne'e mak Maromak nia Futarlia. Rai/ fatin be fini ne'e monu ba ne'e mak ita ida-idak. Ida be kari fini ne'e mak Maromak. Fini atu moris presiza rai diak/ bokur. Ita sira ne'e nu'udar rai bokur? Rai bokur katak rona Maromak Futar lia no moris tuir.

Ita nia tema ba katekese ohin nian koalia kona ba Maromak Futarlia. Iha loron Domingo iha Misa ita lee leitura tolu, Salmo Responsorial ida no aklamasun. Leitura dahuluk nian foti husi Testamentu Tuan no bele mos husi Testamento Foun. Leitura daruak foti husi Testamento Foun, leitura tadoluk mak Evanjellu, foti husi Testamento Foun maibe husi Evanjellu deit, Evanjelista nain haat (S. Mateus, S. Markus, S. Lukas no S. João) sira ne'e nia hakerek deit. Salmo Responsorial foti husi Testamentu Tuan, ne'e husi Salmo 150 iha Biblia. Salmo Responsorial no Leitura sira ne'e, leigu ka leitores sira mak lee, maibe Evanjellu ne'e Nailulik deit mak bele lee.

Wainhira lee Maromak nia Futar Liafuan, ita tenke nonok ho hanoin tuir liafuan sira be temi ne'e, nune'e wainhira iha buat ruma disturba, hanesan tarutu, koalia, loke babol no han ka hemu tenke hapa hotu. Ema hotu nonok ka silensio hodi konsentrasaun iha Maromak nia Futar liafuan ne'e, iha ne'ebé, ho Espírito Santo nia tulun, Maromak nia Liafuan ne'e ita bele komprende ho fuan no hatan liu husi orasaun sira.

ha'u hader, ha'u la iha ona perigu atu mate. Doutor Botta no Caffasso mai visita ha'u iha dader. Sira hateten mai ha'u atu ba fo agradese ba Nossa Senhora Consolata nian ba grasa nebe ha'u simu.

Perguntas

1. Se mak moras?
2. Foisa'e haalo saida wainhira Don Bosco Moras?
3. Doutor Botta no Caffasso, dehan saida ba Don Bosco?
4.

Evajellu Lc 11: 1-13**Jesus hanorin atu hamulak**

¹Loron ida, Nia harohan iha fatin ida. Hotu tiha, nia eskolante ida hateten ba Nia: "Na'i, hanorin ami atu harohan hanesan Joao Baptista hanorin nia eskolante sira." ²Nia dehan ba sira: "Wainhira imi harohan, hateten nune'e: 'Aman, tulun ema atu hahi Ita naran. Halo Ita nia reinu to'o mai ami. ³Haraik aihan loron loron nian mai ami. ⁴Haraik perdua mai ami sala, nudar ami perdua ema nebe halo aat ami. Labele husik ami monu ba babeur.'" ⁵Nia dehan tan ba sira: "Imi ida iha belun ida karik nebe iha kalan boot ba hateten ba nia: ⁶'Belun, fo netik paun fuan tolu mai, basa ha'u nia belun foin to'o mai housi dook no ha'u la iha buat ida atu fo ba nia.' ⁷Belun ne'e bele hatan housi uma laran: 'Keta hasusar ha'u! Odamatan taka metin ona. Ha'u ho ha'u nia oan sira toba tiha ona. Ha'u la bele hader atu fo buat ruma ba o.' ⁸Ha'u dehan ba imi katak, maski nia sei la hader hodi fo tamba sira belun malu, nia sei fo duni buat hotu nebe nia belun kuran tamba nia husu fila fila. ⁹Ne'e duni, Ha'u dehan ba imi: husu ba, imi sei simu; buka ba, imi sei hetan; tuku odamatan ba, odamatan sei nakloke ba imi. ¹⁰Basa ema hotu nebe husu, sei simu; ema nebe buka sei hetan; no ba ema nebe tuku odamatan, odamatan sei nakloke ba nia. ¹¹Iha imi le'et, aman ida nebe mak sei fo samea wainhira nia oan husu ikan? ¹²Eh sei fo sakunar ida wainhira nia husu manu tolun? ¹³Ne'e duni, maski imi ema laran aat hatene fo buat diak ba imi nia oan sira, oin sa liu tan mak imi nia Aman iha lalehan sei haraik Espiritu Santu ba sira nebe husu ba Nia?"

Perguntas

1. Jezús hanorin harohan ida ne'ebé ba nia eskolante sira?
2. Aiknanoik ida ne'ebé mak Jezús konta ba sira, fo ezemplo ba

Objetivu

Atu Pre-Adolexente sira konsente orasaun ida sira nia rasik

Atu Pre-Adolexente sira komprende iha orasaun ne'e sira la reza deit ba sira nia an rasik

Atu Pre-Adolexente sira bele harohan ho neon tomak no halo mos ba ema sira hadomi.

Prosesu

Orasaun: hoodi Padre, hodi Filho ...

Ilustrasaun**Don Bosco nia esperensia**

To'o uma, ha'u desmaia no ema lori ha'u ba tobafatin. Ha'u moras bronkite hodi mear no inflamasaun maka'as. Iha loron ualu nia laran ema hanoin katak ha'u atu mate ona. Ha'u simu Santu Viatiku no Mina Sarani. Ha'u hanoin katak iha tempu neba ha'u prontu atu mate; ha'u laran susar deit katak ha'u sei husik ha'u nia foinsa'e sira, maibe ha'u laran kontenti katak ha'u remata ha'u nia moris bainhira ha'u tau ona forma estabil ba Oratoriu.

Lia katak ha'u moras todan habelar lalais, no foinsa'e sira hatudu maka'as sira nia laran susar. Iha oras hot-hotu, foinsa'e lubun sira ho mataben tuku odamatan hodi husu kona ba ha'u nia moras. Ha'u rona sira koalia ho ema nebe tau matan ba uma, no sira nia liafuan book ha'u nia laran. Ha'u hatene buat nebe halo foinsa'e sira hadomi ha'u. Sira reza, sira halo jejum, sira ba Misa, sira simu Komuniaun. Sira troka malu hader iha kalan hodi reza no iha loron iha imajen Maria Konsola na'in nian. Iha dader sira sunu lilin espesial, to'o loraik sira barak reza hodi husu Maromak nia Inan atu tahan netik sira nia Don Bosco nebe kasihan.

Balun halo votu atu reza Rosariu tomak ba fulan ida tomak, balun ba tinan tomak, ba ba moris tomak. Ha'u hatene katak foinsa'e badae fatuk balun halo jejum hodi han deit paun no be iha semana tomak maski sira serbisu todan hosi dader to'o kalan. Liu tan ida ne'e, iha meudia bainhira sira bele deskansa ba tempu badak ruma, sira halai ba uma kreda hodi halo visita ba SS. Sakramentu.

Maromak rona duni! Loron Sabadu ida, besik kalan, ema hanoin katak kalan neba mak ha'u nia kalan ikus. Doutor sira nebe mai hare ha'u dehan nune'e. Ha'u fiar sira hodi sinti katak ha'u kbiit laek ona hodi lakon ran nafatin. Iha kalan boot ha'u sinti dukur. Ha'u toba dukur duni. Bainhira

Animador fo TPC.

Animador fahe oratoria iha katekese ne'e ba grupo.

1. Rona didiak Leitura dahuluk iha Domigu no esplika tuir sira nia hatene/komprende!
2. Rona didiak leitura daruak iha Domingu no sei esplika fali iha katekese, leitura ne'e koalia kona saida, sese deit mak autor iha leitura ne'e?
3. Salmo koalia kona ba saida?

VIII**Leitura sira**

(Primeira, segunda leitura no Salmo Responsorial)

Objectivo:

Pre-adolexente sira konsente, iha leitura ne'e, Maromak rasik mak koalia ba nia povu

Pre-adolexente sira komprende Kristo presente iha nia liafuan sira

Pre-adolexente sira rona ho atensaun ka rona didiak leitura sira be lee iha misa

Prosesu

Orasaun: Hodi Padre, hodi Filho,

Ilustrasi istoria**Don Bosco nia esperensia**

Iha tinan neba, ha'u hetan perigu ruma hosi ha'u nia maluk sira. Sira hakarak lori ha'u atu halimar ho osan iha tempo escola nian. Ha'u dehan katak ha'u la iha osan, no sira fo sujestaun atu naok hosi ha'u nia na'i, ka hosi ha'u nia inan. Maluk ida, atu fo aten berani mai ha'u dehan, "Belun doben, precisa hader ona; precisa aprende atu moris iha mundo. Ema nebe taka matan la bele hare dalan. Ne'e duni, ba buka osan no mai haksolok ho o nia maluk sira."

Ha'u hanoin hetan di-diak katak ha'u hatan nune'e: "Ha'u la compreende buat nebe o hakarak dehan. Maibe hosi o nia liafuan, hanesan imi hakarak katak ha'u joga hodi naok. Maibe o la dehan loron loron iha o nia oraçao: hitu, la bele naok? Hafoin ema nebe naok, naokten, no naokten sira mate la diak. Mos, ha'u nia inan hadomi ha'u teb-tebes, no bainhira ha'u husu osan ba buat nebe los, nia fo. La hodi nia lisensa, ha'u nunka halo buat ida. No ohin, ha'u la hanoin atu hahu la moris tuir nia

hakarak. O nia maluk sira halo karik buat ne'e, sira aat. Hafoin sira la halo deit maibe hanorin tan maluk sira atu halo, ne'e katak sira malandru teb-tebes.

Ha'u nia liafuan hirak ne'e pasa hosi maluk ida ba maluk seluk, no ema la berani tan atu koalia mai ha'u hanesan ne'e. Liafuan hirak ne'e to'o mos ba ami nia mestre, nebe hahu hadomi ha'u teb-tebes. Aman inan barak mos hosi familia rico sira rona ha'u nia liafuan sira ne'e, no sira hamanas sira nia oan atu habelun ha'u. Nune'e, ha'u bele hili lalais liu ha'u nia belun sira, nebe hadomi ha'u no halo tuir ha'u nia liafuan hanesan ha'u nia maluk sira iha Murialdo.

Buat barak la'o diak los, maibe buat foun ida book fali ha'u. Ha'u nia mestre, Padre Virano, sai fali paroko iha Mondonio iha diocese Asti nian. Ne'e duni, iha fulan Abril 1830, ami nia mestre doben husik ami atu kaer serviço iha neba. Ida nebe taka nia fatin mak ida nebe la hatene disiplina ami, nune'e halo folin laek buat hotu nebe ha'u aprende iha fulan sira liu ba.

Perguntas

1. Don Bosco hasoru perigu husi se?
2. Don Bosco hatan oinsa ba nia maluk be obriga nia atu naok?
3. Don Bosco nia liafuan pasa husi maluk ida ba maluk seluk mak ida ne'ebé?
4. ...
- 5.

Evanjellu Jo 5: 37-47

Jesus nia liafuan kona ba nia an

³⁷Aman nebe haruka Ha'u mai, Nia rasik mak fo sasin kona ba Ha'u. Imi seidauk rona Nia lia, seidauk hare Nia ilas; ³⁸Nia liafuan la hela iha imi, basa imi la fiar Ida nebe haruka Ha'u mai. ³⁹Imi le'e di-diak Eskritura sira, basa imi hanoin katak imi bele hetan moris rohan laek iha sira: sira mak fo sasin kona ba Ha'u. ⁴⁰Maibe imi lakohi mai hakbesik Ha'u atu imi hetan moris.

⁴¹Ha'u la simu gloria housi ema. ⁴²Maibe Ha'u hatene imi: imi la iha domin ba Maromak. ⁴³Ha'u mai hodi Ha'u Aman nia naran, no imi la simu Ha'u; ema seluk mai karik hodi nia naran rasik, imi sei simu nia. ⁴⁴Imi bele fiar oin sa, imi nebe simu gloria housi imi maluk sira, maibe la buka gloria nebe mai housi Maromak mesak? ⁴⁵Keta hanoin katak Ha'u

Misa ne'e. Se hananu karik Padre mak hahuu, bele mos hananu husi solista ka koro, hananu hamutuk bele mos povo ho koro hananu alternativa.

Orasaun Kredo be reza iha misa ne'e, laos ema ida-idak enventa ninian no mos orasaun seluk ka misa nia hatan sira. Ida ne'e tenki aprova husi kongregasaun ba liturgia, atu nune'e uniforma iha Kreda tomak. Basa ita katolika iha ulun ida, laos ida-idak hamriik halo ninia keta-ketak. Wainhira ita reza orasaun Kredo ne'e, ita haklaken ba ema hotu be iha Misa laran ne'e no hatoo ba Maromak, hanesan formula orasaun “**Hau Fiar**” nian ne'e dehan. Reza orasaun ne'e tenki reza ho kovensida, ba liafuan sira be ita temi (konsentrasaun). Laos hateke tun sa'e, ka kebit malu eh fihir buat seluk fali. Orasaun kredo ne'e bele reza wainhira ó tauk ka mesa-mesak, iha ai-laran, nakukun laran, wainhira rai-nakadoko, lao sala dalan, nsst.

TPC

Grupú nafatin hanesan semana uluk nian.

Halo orasaun dos fieis ida. (semana laran ne'e sira sei ba intensaun hirak ne'e)

XIII

Oração dos fieis

nia laran diak, no nia liafuan sira be kontinua fo hanorin ita ho orasaun ida be tuir mai ne'e;

Animador: Ha'u fiar Maromak mesak ida deit.

oratoriano: Aman bele halo hot-hotu, halo ona lalehan ho rai, no buat hotu ema hare no mos la hare.

Ha'u fiar Na'i ida deit, Jesus Kristu, Maromak Oan Mane mesak, moris nanis hosi Aman molok tempu hahu; Maromak hosi Maromak, Naroman hosi Naroman, Maromak los hosi Maromak lolos; Aman hahoris, la halo Nia; ida deit ho Aman. Hodi Nia, buat hotu mosu. Tan ita ema, atu soi ita, Nia tun mai hosi lalehan. Hodi Espiritu Santu, Nia moris hahu An hosi Maria Virjem, halo An ba mane. Tan ita, ema hedi Nia ba krus, iha Poncio Pilatos nia ukun; Nia terus to'o mate, ema hakoi Nia. Liu loron tolu Nia moris hias tuir Eskritura. Sa'e ba lalehan, hatodan An iha Aman nia kuana. Nia sei fila ho kbiit wain atu halo justisa ba ema moris no ema mate. Nia ukun sei rohan laek.

Ha'u fiar Espiritu Santu; Na'i be haraik moris, mai hosi Aman no Oan; ema hana'i hahi hamutuk ho Aman no Oan; Nia mak liu tun hosi profeta sira. Ha'u fiar Kreda ida mesak, santa, katolika, apostolika. Ha'u fiar baptisnu ida deit atu kasu sala. Ha'u hein katak mate sira sei moris hias; moris foun sei mosu mai. Amen.

Orasaun Kredo ka haklaken Fiar ne'e, ema hotu be ohin mai halibur hamutuk ne'e nia hatan ba leitura sira be foti husi Sagrada eskritura no

esplika
bele
sira
misterio
dehan sai
fiar nian
be aprova
liturjia.
fiar atu
amululik
ho povo
domingu
Bele mos
seluk
atu halo



iha omilia, sira
hanoin katak
konfesa
boot fiar nian
regulamentu
ninia formula
atu usa iha
Orasaun ha'u
hananu ka
reza hamutuk
sira iha loron
no solenidade.
reza iha misa
patikular ruma
solene liu tan

mak sei du'u imi ba Aman; iha ida nebe sei duu imi: Moises nebe imi tau imi nia esperansa. ⁴⁶Imi fiar Moises karik, imi sei fiar mos Ha'u, tamba nia hakerek kona ba Ha'u. ⁴⁷Maibe, imi la fiar karik buat nebe nia hakerek, oin sa mak imi bele fiar Ha'u nia liafuan?"

Perguntas

Animador bele halo pergunta ruma atu haklean evanjellu ho sira.

Resumo

Animador fo tempo ba TPC semana uluk nian, no halo rezumo.

Iha ita nia tema ohin nian, ita koalia kona ba Maromak Futarlia. Oras ne'e ita tama ona ba Misa parte liturgia da palvra/ Maromak Futarlia nian. Iha parte ne'e Sarani sira sei tur.

Tur katak sa. Tur ho diak/ tur ho respeito (laos hanesan hare filme ka teatru ruma) hatudu iha esperansa, rona dadaun no aseita buat ruma. Ita tur ne'e bele tulun ita iha hakarak atu rona.

Wainhira ita tur iha hakarak atu rona Na'i koalia ka hatudu an mai ita. Ida ne'e momentu imajinasaun nian. Ho tur ita simu Na'i nia Futar Liafuan ho fuan tomak, atu Na'i nia Futar Liafuan, habokon/regas no hafoun ita nia fuan. Tur mos bele dehan katak pronto atu rona malu, fahe esperensia ba malu, halo ita harii unidade. Tur hatoo mai ita sentimentu damen nian, hakmatek nian, deskansa nian, no liu-liu fiar nian hola parte iha Maromak nia comunidade.

Ida ne'e hatudu ona dimensaun eskatologia nian, ita deskansa, wainhira lao iha dalan naruk no luta ba moris iha mundo ne'e: *Ida nebe manan, Ha'u halo nia tur hamutuk ho Ha'u iha Ha'u nia kadunan, nudar Ha'u mos manan no tur iha Ha'u Aman nia kadunan.* (Ap 3:21).

Wainhira tur, ita nafatin tama iha klima ida hakmatek nian, tulun ita atu simu Na'i nia Liafuan no koalia ho Maromak.

Iha Misa laran bainhira mak ita tuur. Sarani sira bele tur iha selebrasau Eukaristia nian;

- Momentu leitura sira, no salmo Responsorial, molok aklamasaun Evanjellu.
- Momentu Omilia
- Momentu Ofertorio
- Simu liu tiha komunga (bele mos hakneak). Maibe iha Timor Leste, Ita hili atu hamriik, tamba ita nia kultura, wainhira ema boot ruma tama ka liu, ita hamriik, ida ne'e Ita Nia Maromak, liu fali boot sira

iha mundu ne'e.

Ema be lee leitura ka leitor, ba oin, hakruuk iha altar oin hafoin ba iha Ambaun leitura nian atu le'e leitura.

Hakruk Katak sa. Hakru'uk ne'e hatudu respeito ba santu no santa sira, beatu/a no sasan santu.

Momentu ida ne'ebé mak hakru'uk. Sarani sira hakruuk; wainhira temi Santissima Trindade nia naran, wainhira temi Santo no Santa nia naran, liu-liu Nain Feto, no santo/a sira ne'ebé ita nia mahein ka loron ne'e ita celebra ninia loron/ festa. Sarani sira mos hakruuk wainhira simu bensaun iha Misa ikus nian, se fo bensaun especial karik, ne'e mak nailukik lolo liman ba sarani hodi reza ho orasaun. Iha misa laran laran ita bele hakruuk:

- a. kumprimenta altar;
- b. molok lee evanjellu;
- c. iha orasaun ha'u fiar (Credo) momentu ne'ebé temi liafuan "*Hodi Espiritu Santu, Nia moris hahu An ...*,"
- d. iha orsaun Eukaristika sarani sira hamriik, nune'e bele hakruuk, wainhira amululik hakneak, ida ne'e wainhira konsagra liu tiha paun ona tua
- g. Diakon; husu bensaun husi Nailulik
- h. Momentu ne'ebé Nailulik temi orasaun konsagrasaun nian (IGMR no. 42-44 no 275).

Ba Nain Feto ita hakruuk ho neon no laran tomak hatudu respeito as liu fali ba santo/a sira seluk.

Leitor ba iha ambaun no Lectionario (livru Leitura nian) tau nanis ona molok Misa hahu, nia hatoo ba ema hotu be presente ne'e, leitura dahuluk nian, ema hotu rona. Hanesan semana uluk ita koalia ona.

Misa iha Liturgia da Palavra ka Maromak Fuatar Liafuan nia formula hanesan tuir mai ne'e.

Leitor: *Iha leitura ida ka rua; molok lee, Leitor dehan; "Lia hosi ...*
Lee hotu ona, leitor dehan "Maromak futar lia."

Povu: **Na'i, ami agradese Ita.**

Salmu Responsorial

(Liturgia, husu atu usa duni salmu propriu, bele karik hananu se la bele usa fali knananuk ida nebe iha sentidu hanesan salmu responsorial ne'e.)

Wainhira lee Sagrada Eskritura iha Kreda, Maromak rasik mak koalia ba nia povu, no Kristo prezensa iha nia liafuan rasik, iha proklamasan Evanjellu.

Evanjellu Jo 1: 1-18

Lia hahu nian

¹Houri uluk kedas Liafuan iha nanis; Liafuan horik nanis ho Maromak; Liafuan mak Maromak. ²Houri uluk kedas Nia horik ho Maromak. ³Maromak halo buat hotu hodi Nia; la iha buat ida nebe mosu la hodi Nia. ⁴Iha Nia mak moris, no moris ne'e mak ema nia naroman. ⁵Naroman nabilan hela iha nakukun laran; nakukun la simu nia.

⁶Mane ida mosu mai nebe Maromak mak haruka; nia naran Joao. ⁷Nia mai nudar sasin ida atu fo sasin kona ba naroman, atu ema hotu bele fiar hodi nia. ⁸Nia la'os naroman, maibe nia mosu atu fo sasin kona ba naroman. ⁹Naroman los mai iha raiklaran, naroman nebe leno ema hotu. ¹⁰Nia horik iha raiklaran; raiklaran mosu liu housi Nia, maibe raiklaran la hatene Nia. ¹¹Nia mai ba nia emar sira, maibe sira ne'e la simu Nia. ¹²Maibe, ba ema sira nebe simu Nia hodi fiar nia naran, Nia haraik kbiit atu sai Maromak nia oan. ¹³Ema sira ne'e la mai housi ema nia ran, eh tuir ema nia isin nia hakarak; la'os housi ema nia hakarak, maibe sira moris housi Maromak. ¹⁴Liafuan ne'e halo An ba ema, no horik iha ita leet. Ami hare nia gloria, gloria nudar Aman nia Oan Mane mesak, nakonu ho grasa no lialos. ¹⁵Joao fo sasin kona ba Nia, hodi hakilar dehan: "Ne'e mak Ida nebe ha'u dehan: Nia nebe tuir ha'u mak ba oin liu ha'u, basa Nia uluk liu ha'u." ¹⁶Housi nia diak nakonu mak ita hotu simu grasa oi-oin tu-tuir malu. ¹⁷Basa Maromak fo ukunfuan liu housi Moises, maibe grasa no lialos mai housi Jesus Kristu. ¹⁸Ema ida seidaok hare Maromak; maibe Oan Mane mesak nebe horik ho Aman, Nia mak haklaken Maromak.

Perguuntas

1. Liafuan ne'e refere ba se?
2. João fo sasain ba Maromak atu halo saida?
3. Ema sira nebe simu Jezús hodi fiar nia naran, Jezús haraik saida ba ema sira ne'e?
4. ...

Resumo

Iha ita jogu (Maze) bibi ne'ebe lakon, ho fiar katak nia sei too fali ba nia nain. Loos duni, Maromak rona nia orasaun, nune'e haruka ó mai atu tulun nia. Nune'e bibi oan ne'e konvinsi/ haklaken ba nia an katak ó mak ida ne'ebe Maromak haruka atu tulun nia. Bibi oan ne'e hatoo ba nia an deit, buat ne'ebé nia koko. Ita nu'udar ema presiza atu hatan ba Maromak

hanesan iha kraik hafoin hahu hanesan!

Bibi atan hatene bibi ida lakon, no bibi mos hatene katak nia dook ona husi nia nain. Hare ba dalan ne'e susar ba nia atu liu. Maibe nia tenke liu duni basa la iha dalan seluk. Nune'e ho fiar metin bibi dehan "maski susar ha'u sei ba" hanoin nune'e nia hare hetan ó, nia kontente liu, no ho fiar nia dehan "Maromak haruka nia mai atu tulun ha'u". Nia husu ba ó "maun favor ida akompaña ha'u liu dalan susar ida ne'e lai! Ó nia hatan "bele". Agora o akompaña nia imi rua hahuu tama ba dala susar ne'e, ... (tenki ba too iha bibi atan ne'eba). NB riska dala ida, labele repete.

Perguntas

1. Imi senti saida, wainhira imi hahuu dalan ne'e!
2. Imi hanoin saida wainhira too iha klawan!
3. Imi haksolok wainhira imi sai ona husi dalan ne'e, loos?
4. ...

Nune'e, ema hotu rona ho neoan no laran tomak ba, Leitura sira husi Maromak nia liafuan rasik, basa husi ne'e mak fo importansia ba Liturgia. Maski leitura sira ne'e foti husi Sagrada Eskritura Maromak nia liafuan ne'e ba ema hotu husi jerasaun ba jerasaun no sira bele komprende, nune'e, atu komprende didiak, no Liafuan ne'e sei fo kbiit ba moris, sei tulun mos ho esplikasaun ka omilia, nu'udar parte liturgia nia asaun. (Int Geral Litugia 29)

Ho fiar deit mak ita bele hare ka hasoru Maromak. Laos hodi liafuan be rega barak, ema ne'ebé hakonu an ho Maromak nia liafuan, ema sira ne'e hanoin nafatin Maromak, no tauk atu halo sala, basa sala ne'e lori ita dook husi Maromak.

IX Aklamasaun no Evanjellu

Objetivo:

Pre-adolexente sira konsente kona Aleluia be atu hananu ne'e
Pre-adolexente sira komprende kona ba aklamasaun katak sa?
Pre-adolexente sira hananu ka reza ho fervor

Prosesu

Orasaun: Hodi Padre, hodi Filho,

Ilustrasi istoria

Don Bosco nia esperensia

Ha'u bele dehan katak ha'u aprende atu moris nudar sarani lo-los hosi Luís Comollo. Ha'u fiar nia, no nia mos fiar ha'u; ami na'in rua presisa malu. Ha'u presisa nia tulun espiritual, nia fali ha'u nia tulun material nian, basa tan nia neon kiik, nia la berani haka'as an atu defende an hosi maluk aat sira nia lia hasara. Tan ha'u isin boot no katuas liu maluk sira, sira tauk ha'u tan ha'u nia aten berani no tan ha'u nia kbiit maka'as. Ema sira hare ida ne'e mos liu loron ida bainhira maluk balun hakarak dispreza no baku Luís no maluk ida tan nebe mesa laran diak, naran Antonio Candela. Ha'u hakarak book an ba na'in rua ne'e nia diak, maibe Luís lakohi. Hare ema trata sira aat hanesan ne'e, ha'u hakilar: "Susar ba ida nebe halo tan hanesan ne'e!"

Sira nebe aas liu no aat liu hamriik hodi ameasa ha'u. La kleur, sira ida basa maka'as Luís nia hasan. Iha tempu neba, ha'u haluha ha'u an, no ha'u nia kbiit balada nian book ha'u liu fali ha'u nia hanoin. Ha'u kaer maluk ida nia kabas, no ho nia isin lolon tomak, ha'u usa nia hanesan ai tonka ida hodi baku sira seluk. Ema na'in haat monu kedas ba rai, no sira seluk halai hodi hakilar no husu perdua. Perdua fali saida? Iha tempu neba, mestre mosu mai, hodi hare maluk nia liman no ain hanesan ventuinia iha leten, nia hahu hakilar no book nia liman ba karuk no kuana. Ha'u hanoin atu hetan kastigu husi mestre, maibe bainhira nia halo maluk sira haktuir buat nebe foin mosu, nia hakarak katak ha'u halo fali, dala ida tan atu hatudu duni ha'u nia forza. Mestre hahu hamnasa, maluk sira hotu mos hamnasa, no mestre la hanoin tan atu fo kastigu mai ha'u.

Luís fali hanorin ha'u buat seluk. Nia dehan mai ha'u bainhira ami nain mesak: "Joãozinho, o nia forza halo ha'u tauk. Maibe, fiar ha'u ba: Maromak la fo forza ne'e ba o atu halo masakre ba ita nia maluk sira. Maromak hakarak katak ita hadomi malu, perdua malu, halo diak ba sira nebe halo aat ita."

Ha'u hahi ha'u nia kolega ne'e nia karidade. Ha'u tau ha'u nia an iha nia liman, ha'u husik nia hatudu dalan mai ha'u nudar nia hakarak. Hamutuk ho maluk ida tan naran Garigliano, ami ba konfesa, komunga, halo meditasaun, leitura espiritual, visita ba Santisimu Sakramentu, ajuda Misa. Luís hatene konvida ho laran diak, nune'e susar tebes atu dehan lae ba nia.

Ha'u hanoin hetan katak loron ida ha'u ba pasear ho maluk ida, no liu hosi uma kredo ida nia oin, ha'u la hasai ha'u nia sapeu. Ha'u nia maluk ne'e dehan mai ha'u: Joãozinho, o fo atensaun maka'as ba ema to'o haluha Maromak nia uma.

Perguntas ruma haklean istoria ne'e

1. Don Bosco dehan nia aprende moris sarani lolos husi se?
2. Don Bosco presisa tulun ida ne'ebé husi Luis Comollo?
3. Wainhira sira nain rua mesa-mesak Luis fo hanoin ba Don Bosco. Dehan took mai Luis nia liafuan sira nee'!
Wainhira Luis fo hanoin tiha ba Don Bosco. Tuir mai oinsa Don Bosco hatan ba fo hanoin sira ne'e?
4.

XII

Haklaken fiar nian

O nia (Credo)

Objetivu

Pre-adolexente sira konsente orasaun Kredo ne'e haklaken fiar

Pre-adolexente sira komprende orasaun fiar nian ne'e nia konteudu


Pre-adolexente reza orasaun ne'e ho fiar katak sei halo tuir lolos duni

Prosesu

orasaun: hoodi Padre, hodi Filho ...

Ilustrasaun

Animador fahe sira iha grupu. Fahe surat tahan ne'e ho lapis, atu sira marka dalan be sira liu ne'e. Grupu ida be too uluk nia mak manan. Konta istoria



Resumo

Homilia ne'e parte liturgia nian tenki halo. Basa iha ne'e Liturgia iha tinan tomak sei esplika misterio sira fiar nian no lalaok moris sarani nian tuir texto Biblia nian. Tan ne'e mak iha Domingu no loron Festa ka Solenidade ka obrigatorio be sarani sira mai misa ho numeru boot tenke halo omelia, se lae ho rajaun espesiál ruma mak la halo omilia ne'e. Homilia apropiado ba Misa ohin ne'e tenke hare ba misterio sira be leitura ne'e hatudu no partikular ba ema be rona ne'e nia level.

Omilia ne'e padre selebrante (ida be reza misa) ne'e mak halo, bele mos padre seluk akompaña nia ka colebrante sira, bele mos diakon maibe laos ba leigu ida. Iha tempu ruma karik, Bispo no Padre seluk, be mai iha Misa ne'e maibe la sa'e ba altar, sira ne'e bele. Iha tempu Advento, kuaresma no paskua omilia sei halo iha loron-loron.

Nune'e mak omilia sira iha misa tenki halo. Dala ruma ita tuir Misa maibe iha tempu omilia nian ita la rona, Padre esplika hela ita mos tuur koalia ba balu, dala ruma la fo atensaun, iha laran hanoin atu omilia ne'e hotu lalais atu ha'u bele ba lalais ka sai husi uma kredo ne'e. Baruk rona omilia, hahuu fahe babol atu han, bee atu hemu, konta istoria la rona omilia. Ne'e la loos tamba iha Santa Kredo nia hanorin VAT II iha (*Sacrosanctum Concilium*) Konstitusun kona Liturgia Santa hatudu mai ita, ita tenki rona homilia sira basa ida parte liturgia nian.

Se ida ne'e ita halo, tamba ita la hatene oras ne'e ita hatene ona, ita la bele repete ka halo tan maibe tulun ita nia maluk be seidauk hatene atu halo hanesan ita hatene ona. Buat hrak hanesan ita aprende, wainhita ita hatene ita sei la sente kole iha nisa, maibe la hatene its tuir deit, iha oras ruma nia ita bele kole deit. Nune'e hanetene keta halo nar-naran deit iha misa laran.

TPC. Husu ba oratorianu sira atu reza orasun kredo, no sei eplika ba nia maluk. Buat ne'ebé atu halo; iha orasun ne'e liafuan "ha'u fiar" temi dala hira no ha'u fiar ne'e hatudu ba se?

Tauk deit Maromak

²⁸“Keta tauk ema sira nebe oho isin lolon, maibe la bele oho klamar. Maibe tauk ba ida nebe bele halo lakon isin no klamar hotu iha infernu. ²⁹Manu oan rua la fa'an ba doit ida? Maibe sira ida la monu ba rai wainhira imi Aman la husik. ³⁰Imi nia fuuk iha ulun mos sura hotu. ³¹Ne'e duni, imi keta tauk, basa imi folin liu manu oan barak.”

³²“Ne'e duni, ema nebe fo sasin karik kona ba Ha'u iha ema seluk nia oin, Ha'u mos sei sasin kona ba nia iha ha'u Aman nebe iha lalehan nia oin. ³³Maibe ema nebe nega Ha'u iha ema nia oin, Ha'u mos sei nega nia iha ha'u Aman nebe iha lalehan nia futar oin.”

³⁴“Keta hanoin katak Ha'u mai rai atu lori dame; Ha'u mai atu lori, la'os dame, maibe surik. ³⁵Basa Ha'u mai atu haketak oan mane housi nia aman, oan fetu housi nia inan no fetu foun housi nia banin fetu, ³⁶hodi halo ema nia parenti sira rasik sai ninia funubalun. ³⁷Ema nebe hadomi nia aman ka nia inan liu fali Ha'u, nia la soi Ha'u; no ema nebe hadomi oan mane ka oan fetu liu fali Ha'u la soi Ha'u. ³⁸Ema nebe la lori nia krus hodi tuir Ha'u, nia la soi Ha'u. ³⁹Ema nebe hadomi nia moris, sei lakon nia; no ema nebe lakon nia moris tamba Ha'u, sei hetan fali nia.”

⁴⁰“Ema nebe simu imi, simu Ha'u; ema nebe simu Ha'u, simu Ida nebe haruka Ha'u mai. ⁴¹Ema nebe simu profeta ida tan nia profeta, ema ne'e sei simu kolen profeta nian. Ema nebe simu ema los ida tan nia ema los, ema ne'e sei simu kolen ema los nian. ⁴²Ema nebe fo be malirin kopu ida deit mos ba kiik oan sira ne'e ida, tan nia Ha'u eskolante, tebes, Ha'u dehan ba imi: nia sei la lakon nia kolen.”

Pertuntas (Animador halo perguntas ruma atu haklean evanjellu ho sira)

Resumo

Iha Don Bosco nia istoria ita rona katak, sira hasoru malu liu tiha, karik loron tuir mai sira ba selebra sakramento sira, ida mak Sakramentu Eukaristia. Laos tuir deit misa maibe ajuda misa. Don Bosco iha nia tempu labarik nian, ajuda misa (Acolitos), ne'e katak nia hatene hatan misa, movimeto iha misa laran no mos misa nia parte sira.

Iha ita nia tema ohin nian koalia kona ba “Aklamasaun”. Tuir disionariu Aklamasaun katak simu. Nune'e iha ita nia selebrasaun Misa nia estrutura, tuir introdusaun jeral missal romanu nian, aklamasaun molok evanjellu, ne'e dehan katak ita atu simu Ita nia Na'i be mai atu koalia ba ita, iha evanjellu be atu lee dadaun ne'e. Nune'e iha misa parte aklamasaun nian hotu-hotu

hamriik, hananu ho fuan no laran tomak basa ita simu Ita nia Na'i no Maromak.

Lee liu tiha leitura sira, tuir mai sei **lee** Evanjellu, molok lee sei hananu Aklamasaun ka knananuk seluk be hakerek iha ne'ebá atu hananu, tuir tempo liturgia nian. Aklamasaun ne'e iha ninia rito ka asaun rasik, ne'e mak asembleia/ fiar nain sira simu Na'i no kuprimenta Na'i be atu koalia iha Evanjellu ne'e hatudu nia fiar hodi hananu. Ida ne'e ema hotu hananu hodi hamriik no bele mos solista/ kantor ka coro mak gia, ne'ebé prepara ona tuir tempu liturgia nian. Se bele karik, solista ka koro hananu ninia Versu. Bainhira mak ita usa alleluia no la usa;

a. Alleluia ne'e la hananu iha tempu liturgia kuaresma nian. Versu sira ne'e foti husi Lectionario ka proprio.

b. Iha kuaresma, Aleluia troka ho versu molok Evanjellu ne'e hananu nu'udar hatudu ona iha Lectionario. Ida ne'e mos bele hananu salmu seluk ka knananuk aklamasaun nian iha hananu ba Nai.

Wainhira iha leitura ida deit, molok evanjellu;

a. Iha tempu liturgia be Aleluia bele reza, buat rua ne'e Aleluia, salmu ka **salmu** responsorial, tuir mai alleluia no nia versu hotu.

b. Iha tempu liturgia be alleluia la reza, salmo responsorial no versu aklamasaun nian sei reza ka hananu molok evanjellu.

c. Alleluia la hananu ninia versu sira mos omite.

Sequênsia, ne'e bele hili reza ka lae, maibe ida ne'e obrigatorio ka tenki reza iha Domingu Pascoa no Pentekoste, sei hananu molok Aleluia.

Iha evajellu Jezús hanorin mai ita katak atu tauk deit Maromak. Basa nia mak halo ita moris, Nia mak ita nia Na'in. La iha buat ida mosu mai ita mundu iha ne'e se la ho nia lisensa. No la iha buat ida bele mosu mai ita se Nia la fo lisensa. Nune'e halo buat ne'ebé tenki halo tuir moral sara-ni nian. Tauk Maromak katak tauk atu halo sala, basa sala lori ita dook husi Maromak. Atu labele lao dook husi Na'i ita nia Maromak, ita presiza rona Nia bei-beik. Na'i nia liafuan sira fo kbiit ba ita nia kbiit laek sira, fo moris ba ita nia hanoin be maten, hanesan be'e rega ba ita nia moris be namlaik ne'e.

Alleluia kanta hela ka knananuk seluk, se insensu iha (uja hela), amululik tau oituan iha turibulu no fo bensaun. Hafoin, taka liman, nia hakruk iha altar oin no reza nonok iha laran "Maromak rohan laek, hamos ha'u nia fuan. Hafoin nia hakbesik ba ambaun atu lee evanjellu. (132)

Nune'e iha misa aklamasaun ita presisa hamriik, ho neon no laran tomak, hananu aklamasaun hodi simu Ita Nai, Ita Nnia Maromak be atu

Eevanjellu Mt 15: 1-20

Lisan sira

¹Iha loron neba fariseu no eskriba balun housi Jerusalem mai koalia ba Jesus dehan: ²"Tansa mak Ita nia eskolante sira la tuir lisan bei ala sira nian?" Sira la fase liman molok atu han." ³Nia hatan ba sira: "Imi fali, tansa imi la halo tuir Maromak nia ukunfuan tan deit imi nia lisan? ⁴Basa Maromak dehan: 'Hamtauk aman inan', no mos: 'Ema nebe fo malisan ba aman ka inan, nia sei mate.' ⁵Maibe imi dehan: 'Ema nebe dehan ba nia aman ka nia inan: 'Rikusoi nebe ha'u bele usa ba ita, buat karan santu ona', ⁶ema ne'e la iha ona obrigasaun atu tulun aman inan.' Nune'e imi halakon Maromak nia futar lia nia folin tan imi nia lisan. ⁷Laran makerek sira! Profeta Isaias si'ik lolos kona ba imi wainhira nia dehan: ⁸"Povu ida ne'e hahi Ha'u ho ibun tutun, maibe sira nia laran dook housi Ha'u. ⁹Sira adora Ha'u le'et deit hodi hanorin ema sira nia doutrina no ukunfuan sira.'"

¹⁰Tuir mai Nia halibur ema lubun boot hodi dehan ba sira: "Rona di-diak ba hodi buka hatene! ¹¹La'os buat nebe tama housi ibun mak hafoer ema, maibe buat nebe sai housi ibun, buat ne'e mak halo ema foer."

¹²Nune'e eskolante sira hakbesik hodi dehan ba Nia: "Ita hatene katak fariseu sira laran moras wainhira sira rona Ita koalia nune'e?" ¹³Nia hatan ba sira: "Ai hotu nebe Ha'u Aman lalehan la kuda sei fokit tiha. ¹⁴Husik ema sira ne'e ba; sira hanesan matan delek sira nebe hatudu dalan ba matan delek sira seluk, sira na'in rua sei monu hotu iha rai kuak."

¹⁵Pedro hatan hodi dehan ba Nia: "Esplika aiknanoik ne'e mai ami." ¹⁶Nia dehan ba sira: "Imi neon mos seidauk nakloke? ¹⁷Imi la hatene katak buat nebe tama housi ibun liu ba kabun, hafoin sai fali ba liur? ¹⁸Maibe buat nebe sai housi ibun mai housi ema nia fuan; ne'e mak hafoer ema. ¹⁹Housi ema nia fuan mak suli mai hanoin aat sira, oho ema, sala hasouru ema nia kaben, sala foer, na'ok, bobar lia falsu, hateten aat Maromak. ²⁰Ne'e hotu mak hafoer ema; maibe han hodi la fase liman, ne'e la hafoer ema."

Perguntas

1. Se mak mai koalia ho Jezús?
2. Sira mai klarifika lisan sira ho Jezús. Lisan ne'e mak saida deit
3. Pedro hatan saida ba Jezús?

XI Omilia

Objetivu

Pre-adolexente sira konsente omilia ne'e importante iha misa
Pre-adolexente sira komprende omilia fo kbiit ba moris sarani
Pre-adolexente sira iha atensaun rona didiak omili hodi moris tuir

Prosesu

orasaun: hoodi Padre, hodi Filho ...

Ilustrasaun

Don Bosco nia esperensia

Ho laran susar ami ten ke husik uma Moretta iha fulan Marsu 1846 hodi aluga rai luan ida hosi maun alin Filippi, iha nebe iha mos fatin atu halo naben besi hodi halo forma oi-oin. Ha'u hela iha fatin nebe kakuluk la iha, iha rai luan nia klaran. Aimoris badak haleu kampu ne'e, maibe ema naran deit bele tama. Foinsa'e sira hosi atus tolu ba atus haat. Sira hare fatin ne'e hanesan paraisu rasik. Maibe iha fatin ne'e bele hala'o aktividade relijiosa sira? Tuir ami bele, ami halo katesismu, reza laudes, reza vespas, Pe. Borrelli ka ha'u hamriik iha fatin aas ruma ka iha kadeira leten hodi fo homilia badak ba foinsa'e sira nebe hamrok atu rona. Konfesa mos ami halo nune'e: iha loron festa sira, sedu iha dader, ha'u ba rai luan ne'e iha nebe foinsa'e sira balun hein ona. Ha'u tur iha rai aas ruma hodi konfesa balun no sira seluk halo sira nia preparasaun ka agradesimentu. Hafoin, sira ba halimar fali. Tuir mai, trompeta lian, hodi fo sinal atu nonok. Ha'u koalia ba foinsa'e sira hodi fo hatene ba sira fatin nebe ami sei halo Misa ho Komunian.

Perguntas

1. Don Bosco hela iha ne'ebe?
2. Aktividade relijiosa saida deit mak sira halo iha fatin ne'e?
3. Pe. Borrelli no Don Bosco hamriik iha ne'ebé mak fo omilia?
4. ...

koalia mai ita iha dadaun ne'e.

X Evanjellu

Objetivu

Pre-adolexente sira konsente lee Evanjlilu ne'e, Kristu rasik mak koalia
Pre-adolexente sira komprende Kristo prezente iha nia liafuan sira be lee
dadaun ne'e
Pre-adolexente sira rona ho atensaun ka rona didiak Evajellu be lee iha
misa

Prosesu

Orasaun: Hodi Padre, hodi Filho,

Ilustrasi istoria

Don Bosco nia esperensia

Iha Becchi, iha kampu boot ida iha nebe iha aihoris oi-oin. Iha mos ai pera ida ne'e tulun ha'u maka'as iha tempu neba. Ba ai ida ne'e ha'u kesi tali nia rohan ida, hafoin ha'u kesi nia rohan seluk ba ai seluk dook utoan hosi nia. Meja ida ho pasta ida, terpal ida iha rai atu haksoit iha nia leten. Bainhira buat hotu pronto ona no ema hotu hein namanas atu hare novidade ruma, ha'u konvida sira hotu atu reza tersu Rosariu nian, hafoin ami hananu knananuk santu ruma. Hotu tiha, ha'u hamriik iha kadeira leten hodi fo homilia, ka diak liu tan, ha'u haktuir fali buat nebe ha'u sei hanoin hetan iha homilia evanjeliu nian nebe ha'u rona iha dader; dala ruma ha'u haktuir istoria ka esemplu sira nebe ha'u rona ka le'e iha livru ruma. Homilia hotu tiha mak ha'u hahu haksolok sira ho jogus. Iha tempu neba imi hare, hanesan ha'u dehan tiha, katak ida nebe fo homilia sai fali jogador profesional ida.

Halo istilu oi-oin, kambailota, la'o ho liman no isin lolon tomak iha leten; hafoin tama iha pasta laran; han osan besi nian hafoin hasai fali sira hosi ema ida ka ema seluk nia inus; halo bola no mantolu sai barak; halo be nakfila ba tua, oho manu ida hodi les nia ba baluk kiik, hafoin halo nia moris fali ho halo nia kokorek maka'as liu fali uluk – sira ne'e mak jogu bai-bain nebe ha'u halo atu haksolok ema. Iha tali leten, ha'u la'o hanesan iha dalan, ha'u haksoit, dansa, ha'u tara an hosi tali ho ain ida deit, hafoin ho ain rua, dala ruma ho liman rua, dala ruma ho liman ida deit. Liu tiha oras ruma ho jogu sira ne'e, bainhira ha'u kole ona teb-tebes, ha'u para, ami halo orasaun badak ruma hafoin ida-idak la'o tuir nia dalan.

Sira hotu nebe hateten lia aat, haktuir istoria aat, ka sira nebe lakohi reza la bele tuir enkontru sira ne'e.

Animador halo pergunta atu haklean Istoria ne'e!
Evanjellu Mt 10: 28-42

Tauk deit Maromak

²⁸“Keta tauk ema sira nebe oho isin lolon, maibe la bele oho klamar. Maibe tauk ba ida nebe bele halo lakon isin no klamar hotu iha infernu. ²⁹Manu oan rua la fa'an ba doit ida? Maibe sira ida la monu ba rai wainhira imi Aman la husik. ³⁰Imi nia fuuk iha ulun mos sura hotu. ³¹Ne'e duni, imi keta tauk, basa imi folin liu manu oan barak.”

³²“Ne'e duni, ema nebe fo sasin karik kona ba Ha'u iha ema seluk nia oin, Ha'u mos sei sasin kona ba nia iha ha'u Aman nebe iha lalehan nia oin. ³³Maibe ema nebe nega Ha'u iha ema nia oin, Ha'u mos sei nega nia iha ha'u Aman nebe iha lalehan nia futar oin.”

³⁴“Keta hanoin katak Ha'u mai rai atu lori dame; Ha'u mai atu lori, la'os dame, maibe surik. ³⁵Basa Ha'u mai atu haketak oan mane housi nia aman, oan feto housi nia inan no feto foun housi nia banin feto, ³⁶hodi halo ema nia parenti sira rasik sai ninia funubalun. ³⁷Ema nebe hadomi nia aman ka nia inan liu fali Ha'u, nia la soi Ha'u; no ema nebe hadomi oan mane ka oan feto liu fali Ha'u la soi Ha'u. ³⁸Ema nebe la lori nia krus hodi tuir Ha'u, nia la soi Ha'u. ³⁹Ema nebe hadomi nia moris, sei lakon nia; no ema nebe lakon nia moris tamba Ha'u, sei hetan fali nia.”

⁴⁰“Ema nebe simu imi, simu Ha'u; ema nebe simu Ha'u, simu Ida nebe haruka Ha'u mai. ⁴¹Ema nebe simu profeta ida tan nia profeta, ema ne'e sei simu kolen profeta nian. Ema nebe simu ema los ida tan nia ema los, ema ne'e sei simu kolen ema los nian. ⁴²Ema nebe fo be malirin kopu ida deit mos ba kiik oan sira ne'e ida, tan nia Ha'u eskolante, tebes, Ha'u dehan ba imi: nia sei la lakon nia kolen.”

Pertuntas (Animador halo pertuntas ruma atu haklean evanjellu ho sira)

Resumo

Iha istoria ita rona kona ba Don Bosco nia esperensia sei kiik iha rai Becchi. Se ohin imi rona didiak karik, nia ba misa rona Evanjellu no amululik nia esplika hafoin nia mai konta tuir fali ba sira seluk. Nia mos halo estilus oi-oin atu dada ema nia atensaun hodi mai tuir jogu ne'e, nune'e nia bele halo sira reza no rona nia. sira nebe lakohi reza la bele mai hare ka tuir jogu sira ne'e.

Iha ita nia tema ohin koalia kona ba, triseira leitura iha Misa ka Evanjellu.

Se karik livru Evanjellu nian ne'e ka Misal iha altar leten, amulik foti no ba iha ambaun, lori Misal ne'e ho revérensia hiit hasa'e oituan no leigo be lori turiblu no lilin lao iha oin. Ema hotu iha/ presente hotu fila oin ka hateke ba ambaun nu'udar fo revérensia especial ba Jezús nia Eevanjellu.

Ho tradisaun, funsaun proklamasan leitura sira (Evanjellu) ne'e ministerial laos prezidénsia. Leitura sira ne'e leitor mak lee, no Evanjellu ne'e diákonu ka amulik ka selebrante mak lee. Se amulik seluk (ko selebrante) la iha, amululik selebrante mak lee Evanjellu ne'e. Se la iha leitor atu lee leitura sira mak amulik selebrante sei lee mos leitura sira ne'e. Se karik, leitor ida ba leten, maibe nia la prepara ba loke no lee naran deit mak amululik selebrante bele lee.

Hanesan semana uluk ita dehan ona, amululik tau tiha insensu iha turiblu, amulik be atu lee Evanjellu ne'e (amululik selebrante) ba iha ambaun, amulik loke livru no taka liman hodi dehan Maromak hela ho imi, no povu hatan, Nia iha ami leet. Hafoin mak nia dehan Na'i Jesus Kristu nia Evanjeliu nudar Saun... haktuir, ho nia liman fuan marka kruz iha livru hafoin iha nia rento'os, ibun no fuan, hafoin ema hotu halo. Hodi halo sinal ida povu bele dehan Na'i gloria ba Ita. Amululik insensu livru, se karik insensu iha. (bainhira usa insensu sei koalia iha ikus se tempu sei too). Hafoin lee Evanjellu no wainhira lee hotu ona amululik dehan Lia Makoin, povu hatan Kristu ami hahii Ita. Amululik rein livru hodi reza iha Nia laran Na'i nia futar liafuan.

Thurification or incensation no orasaun, ne'e nia arti iha Sagrada Eskritura (cf. Salmu 141[140]:2, Ap 8:3).

- Insensu bele usa iha Misa tuir ita nia desizaun;
- Hahuu husi entrada
- Husi Misa hahuu insensu kruz no altar
- Momento lee evanjellu
- Wainhira Paun no Kálise iha ona altar, insensu ba ofertas, kruz, altar, nune'e mos amulik no povu;
- Iha momento konsagrasaun nian, wainhira amululik hiit sa'e Ostia no Kálise.

Nune'e wainhira iha Misa, ita sei tuir didiak leitura sira hanesan iha istoria Don Bosco halo, bele hatoo fali sira be la misa ka la rona Maromak nia Futar lia sira ne'e.

NB. La bele hahan ba Igreja liu-liu han ia misa laran maski hemu be mos lae sa tan babol.